



**KUVENDI I KOMUNËS PEJË**

**I. Numër: 400-01/83742, datë: 29 Tetor 2024**

Në bazë të nenit 11, nenit 12, paragrafi 1 dhe 2 shkronja d), dhe nenit 24. të Ligjit Nr. 03/L – 040 Për Vetëqeverisjen Lokale të Republikës së Kosovës, nenit 9 të plotësuar dhe ndryshuar me nenin 2 të Ligjit Nr.08/L-224 për Ndryshimin dhe Plotësimin e Ligjit Nr.06/L-005 për Tatimin në Pronën e Paluajtshme, dhe nenit 20 paragrafi 1 pika 1.4. të Statutit Nr.01/2020 të Komunës së Pejës, I. Numër: 01-016/01-413431, dt. 30 Shtator 2020, Kuvendi i Komunës së Pejës, në takimin e mbajtur me datë: 29 Tetor 2024, më rekomandim të Drejtorisë për Buxhet dhe Financa (ZPT) dhe propozim të kryetarit të Komunës, merr:

**VENDIM**

**Nr. 58/2024**

**Mbi caktimin e normave tatimore për tatimin në pronën e paluajtshme për vitin 2025**

**Neni 1**

**Shkalla tatimore progresive**

1. Caktohen normat tatimore për vitin 2025 për të gjitha vlerat e pronave në territorin e Komunës së Pejës, sipas vlerës së kombinuar të gjitha pronave të paluajtshme të tatimpaguesit, si vijon:
  - 1.1. Për vlerën e pronave deri në njëqindmijë (100,000.00) euro **caktohet** shkalla tatimore në lartësinë prej **0.10 %**;
  - 1.2. Për vlerën e pronave mbi njëqind mijë (100,000.00) euro **caktohet** shkalla tatimore në lartësinë prej **0.20%**, plus tatimi nga nën-paragrafi 1.1 të këtij neni;
  - 1.3. Për vlerën e pronave mbi pesë qind mijë (500,000.00) euro **caktohet** shkalla tatimore në lartësinë prej **0.30 %**, plus tatimi nga nën-paragrafët 1.1 dhe 1.2 të këtij neni;
  - 1.4. Për vlerën e pronave mbi një milion (1,000,000.00) euro **caktohet** shkalla tatimore në lartësinë prej **0.40 %**, plus tatimi nga nën paragrafët 1.1, 1.2 dhe 1.3 të këtij neni; dhe
  - 1.5. Për vlerën e pronave mbi pesë milionë (5,000,000.00) euro **caktohet** shkalla tatimore në lartësinë prej **0.50%**, plus tatimi nga nën-paragrafët 1.1, 1.2, 1.3 dhe 1.4 të këtij neni.
2. Normat tatimore sipas këtij neni caktohen konform nenit 9 të plotësuar dhe ndryshuar me nenin 2 të Ligjit Nr.08/L-224 për Ndryshimin dhe Plotësimin e Ligjit Nr.06/L-005 për Tatimin në Pronën e Paluajtshme.

**Neni 2**

**Zbatimi**

1. Për zbatimin e këtij vendimi obligohet Drejtoria për Buxhet dhe Financa - Zyra e Tatimit në Pronë.

**Neni 3**

**Hyrja në fuqi**

1. Vendimi hyn në fuqi 15 ditë pas regjistrimit në zyrën e protokollit të Ministrisë përkatëse për qeverisje lokale si dhe 7 (shtat) dit pas publikimit në web faqen zyrtare të Komunës, përkatësisht konform nenit 81 të ligjit për vetëqeverisje lokale nr.03/L-040, dhe nenit 9 paragrafi 8 të Rregullores (QRK) nr.10/2019 për shqyrtimin administrativ të akteve të komunave me plotësim ndryshimet e bërë me Rregulloren nr.06/2021, dhe i njëjti zbatohet nga data 01 janar 2025.

***Vendimi ti dërgohet:***

*MAPL,  
Kryetari të Komunës,  
DBF,  
ZTP,  
Arkivës.*

